

Ավստրալիայի Մաքուորի համալսարանի
 ցեղասպանության համեմատական հետազոտությունների
 կենտրոնի «Լրատվական տեղեկագիր» (անգլերեն)
 (Դեկտեմբեր 1994 - հունվար 1995)

Տեղեկագրի նյութերից հայտնի է դառնում, որ կենտրոնը հիմնվել է 1993 թվականին, պրոֆ. Քոլին Թաթֆի նախաձեռնությամբ, որը Ավստրալիայում ցեղասպանության հարցերով զբաղվող ամենանշանավոր գիտնականներից է: Կենտրոնը զբաղվում է բոլոր ցեղասպանությունների ուսումնասիրությամբ: «Պատասխան պատերազմի հանցագործներին» պրոֆ. Ռ.Թայդիմենի հոդվածում նշվում է, որ ցեղասպանության կենտրոնում հավաքագրվել են բազմաթիվ նյութեր երկրորդ աշխարհամարտի ժամանակ ֆաշիստների կողմից հրեաների ջարդերի վերաբերյալ: Կենտրոնի աշխատակիցները ակտիվ մասնակցություն են ունեցել հակասեմիտիզմին նվիրված միջազգային գիտաժողովներին: Համալսարանի 12 ուսանողներ Իսրայելում մասնակցել են «Ողջակիզման և հակասեմիտիզմի ուսուցում» թեմայով սեմինարին: Կենտրոնը զբաղվում է նաև Ռուանդայում ու Նախկին Հարավսլավիայի տարածքում տեղի ունեցած ցեղասպանության դրսևորումների հետազոտությամբ:

«Եթե մենք չհիշատակենք այդ հանցագործությունները, ապա կվիրավորենք ոչ միայն զոհերի հիշատակը և ողջերի զգացմունքները, այլև կնպաստենք այն հանգամանքին, որ նման դեպքեր պատահեն ապագայում», ասված է տեղեկագրում:

Կենտրոնը կազմակերպել է ցեղասպանության մասին դասընթաց, որ ընդգրկված են 60-ից ավելի ուսանողներ: Այն հավաքագրում է ցեղասպանության վե-

րաբերյալ նյութեր, տեսաժապավեններ, մատենագիտական փաստաթղթեր, ստեղծում համակարգչային մի ծրագիր, որը հնարավորություն կտա ժանոթանալ ցանկացած փաստաթղթի հետ: Կենտրոնն ունի իր գրադարանը, որտեղ տեղ են գտել նաև պրոֆ. Վահագն Տատրյանի մի շարք գրքեր ու հոդվածներ: Տեղեկագիրը հաղորդում է այն մասին, որ հետազոտությունների կենտրոնը ունի իր հայկական բաժանմունքը, որի նպատակն է հավաքագրել Հայոց ցեղասպանությանը, հայ ժողովրդի պատմությանը, մշակույթին, լեզվին, ինչպես նաև ժամանակակից հարցերին վերաբերող նյութերն ու փաստաթղթերը, աջակցել դրանց մշակմանը և հրատարակմանը: Հայկական բաժանմունքում պահպանվող Հայոց ցեղասպանության հետ կապված փաստաթղթերի հավաքածուն ամենախոշորն է Ավստրալիայում:

Հայերի ցեղասպանության ժխտման առթիվ լրատվական տեղեկագրում ասված է. «... 1939թ. Հիտլերը հայտարարել է. «Ռ՝վ է այսօր հիշում հայերի բնաջնջման մասին...» դրանով հաստատվում է երկու պատմական փաստ՝ հայերի ցեղասպանության իրողությունը և այն մոռացության տալը»:

Ավստրալիայի ցեղասպանության հետազոտության կենտրոնի հայկական բաժանմունքի տնօրինությունը դիմել է Հայոց ցեղասպանության թանգարան-ինստիտուտին՝ կապեր հաստատելու և համապատասխան ինֆորմացիայի փոխանակման հնարավորությունների հարցով:

Սաքուորի համալսարանի ցեղասպանության համեմատական հետազոտությունների կենտրոնի «Լրատվական տեղեկագրի» 1995թ. մարտ-ապրիլ ամիսների համարում զետեղված է Արմեն Կաքալյանի հոդվածը «Ազգայնականություն, ցեղասպանություն և երիտթուրքերի շարժումը» վերնագրով: 1907թ. Սոլունիկում հիմնադրվեց երիտթուրքական «Առաջադիմություն և միություն» կուսակցությունը և հռչակեցին «հավասարների կայսրություն» ստեղծելու իրենց գաղափարը: Մեկ տարի հետո, երբ տեղի ունեցած հեղաշրջման հետևանքով իշխանության գլուխ անցան երիտթուրքերը, թուրքիայի ազգային փոքրամասնությունները հույս ունեին ազատվել ազգային ճնշումներից և հալածանքներից: Սակայն, ինչպես գտնում է հեղինակը, 1908-1914թթ. ժամանակաշրջանում երկրի նոր կառավարողների հայացքները, բախվելով կայսրության ներքին ու արտաքին պահանջներին, աստիճանաբար

արձան ազգայնամուլական: Գրող Ջիա Գյոք Ալպը կոչ արեց «վերա-
պահանալ», կայսրությունը վերածել բացառապես թուրքական ազգի՝ այ-
լազգիների բռնի ծուլման միջոցով: Դրան պետք է հաջորդեր պանթուր-
քական պետության ստեղծումը՝ տարածվելով Ստամբուլից մինչև Մոն-
թրոլիա:

Երիտթուրքերի գաղափարախոսությունը 1911թ. հայտարարում էր. «Թուրքերի երկիրը թուրքիան չէ, ոչ էլ թուրքեստանը, նրանց երկիրը
սլայնարձակ և հավերժական հողն է՝ Թուրանը»: Յողվածագրի կարծի-
քով՝ 1915թ. հայերի ցեղասպանությունը հենց այդ ռազմավարության
մի մասն էր կազմում: Երիտթուրքերի կարծիքով ազգային-հեղափոխա-
կան նպատակները պահանջում էին հեղափոխական ձեռնարկումներ:
Երիտթուրքերը ղեկավարվում էին պանթուրքիզմի գաղափարախոսու-
թյամբ, իսկ հայերը երիտթուրքերի պլանների համար խոչընդոտ էին
միանդիսանում:

ԱՌՆՈ ՅԱՄԵԼԵՆ, ԺԱՆ ՄԻՇԵԼ ԲՐՈՆ, Վերականգնված
հիշողություն. Երևան, «Ռսկան Երևանցի» հրատ., 1995, 254 էջ
(Ֆրանս. թարգմ.՝ Գ.Ջանիկյանի)

Գրքի հեղինակները՝ ֆրանսիացի հրապարակա-
գիրներ Առնո Յամելենն ու Ժան-Միշել Բրոնը արյու-
նակցական որևէ կապ չունեն հայերի հետ և մինչ այս
գրքի գրելուն ձեռնամուխ լինելը, նույնիսկ ծանոթ չեն
եղել հայոց պատմությանը: Նրանց հետաքրքրույու-
նը հայ ժողովրդի հանդեպ բորբոքել են 1970-ական
թվականներից սկիզբ առած հայկական գաղտնի բա-
նակների ահաբեկչական գործողությունները: Զբավա-
րարվելով պատմական վավերաթղթերով, նրանք եղել
են աշխարհի գրեթե բոլոր հայահոծ գաղթօջախնե-
րում, բազում հանդիպումներ ունեցել, գրուցել թուրք
պաշտոնյաների և հայ մահապարտների հետ և, ի վեր-